



Esp. zk. SUBV_CONDIR_NOM/2017/1

HITZARMENA 2017rako, ERREGE MAGOEN KABALKADAREN ELKARTEAREKIN

PARTE HARTZEN DUTE,

Batetik, MAIDER BELOKI UNZU, Iruñeko Udalaren izenean eta haren ordezkari gisa, indarrean diren legeek eman dizkioten eskumenak erabilia.

Bestetik, FERNANDO LIZAUZ GÓMEZ, 15757306Y NAN zenbakiduna, ERREGE MAGOEN KABALKADAREN ELKARTEAREN (aurrerantzean, pertsona edo entitate onuraduna) izenean eta haren ordezkari eta lehendakari gisa.

Bi aldeek gaitasun nahikoa aitortzen diote elkarri hitzarmen honetan adierazitakoa betetzeko, eta horretarako,

ADIERAZPENA:

Hitzarmen honen xedea da bideratzea indarrean den Iruñeko Udalaren Aurrekontuan ageri den diru-laguntza izenduna, eta ezartzea pertsona edo entitate onuradunak bere gain hartzen dituen baldintzak eta konpromisoak.

2017. urteko Iruñeko Udalaren Aurrekontu Orokorrean ERREGE MAGOEN KABALKADAREN ELKARTEARI diru-laguntza izenduna ematea aurreikusi da.

Azaroaren 17ko Diru-laguntzei buruzko 38/2003 Lege Orokorren 22.2 artikularekin bat, zuzenean eman ahalko dira toki-erakundeetan aurreikusitako diru-laguntza izendunak, hitzarmenetan eta diru-laguntza horien araubideetan ezarritakoarekin bat, eta lege horren 28. artikulua ezarritakoaren arabera, hitzarmenak izango dira diru-laguntza horiek bideratzeko ohiko tresnak.

Bestalde, Iruñeko Udalaren Diru-laguntzei buruzko Ordenantza Orokorren 19. artikulua eta hurrengoek arautzen dute Udalaren aurrekontu orokorrean aurreikusitako diru-laguntza izendunak zuzenean emateko araubidea eta prozedura.

Aipatu xedapenetan ezarritakoarekin bat, bi aldeek adierazten dute hitzarmen honen edukiaren berri dutela eta hura sinatuta hitzarmenetik eratorritako betebeharrak eta konpromisoak onartzen dituztela, honako klausula hauekin bat:



KLAUSULAK

LEHENA.- XEDEA.

Hitzarmen honen xedea da Iruñeko Udalak diru-laguntza bat ematea Errege Magoen Kabalkadaren Elkarteari, urtero ospatzen den ekitaldi hori babestu eta mantentze aldera, agiri honen adierazpen-atalean ezarritakoan oinarrituta.

BIGARRENA.- AURREIKUSITAKO JARDUKETAK ETA ALDEEK ONARTZEN DITUZTEN KONPROMISOAK.

1. Aurreikusitako jarduketak eta aldeek onartzen dituzten konpromisoak:

Garatu beharreko jarduketak eta aldeek konpromisoak honako hauek izango dira:

Desfile bat egitea Iruñeko kaleetan urtarrilaren 5ean, segizioaren bisita Udaletxera barne, Iruñeko alkateak harrera egin diezaien.

2. Pertsona edo entitate onuradunen betebeharrak:

- Pertsona edo entitate onuradunen betebeharrak orokorrak:

a) Diru-laguntzaren xede den helburua betetzea, proiektua gauzatzea, jarduera egitea edo jarduteko modua hartzea.

b) Kasuan kasuko entitate laguntzaileak organo emailearen aurrean justifikatzea baldintzak eta betekizunak bete direla, bai eta jarduera egin dela eta diru-laguntza zertarako eman eta helburu hori bete dela ere.

c) Men egitea dagokion organo emaileak edo entitate laguntzaileak egin beharreko egiaztapen-jarduketei bai eta kontrol-organo eskudunek finantzaketa egiaztatzeko zein kontrolatzeko egiten ahal dituzten beste guztiei ere, betiere jarduketa horien ondorioz eskatzen dizkieten argibideak oro eman beharko dituztelarik, halakoak udal-agiritegietan jasota egon ezean.

d) Diru-laguntzaren xede diren jarduerak finantzatzeko beste diru-laguntza, laguntza, diru-sarrera edo baliabiderik lortuz gero, horren berri ematea organo emaileari edo entitate laguntzaileari. Bestelako laguntza horiek lortu direla jakin bezain laster egin behar da jakinarazpen hori, eta betiere, hartutako funtsei emandako aplikazioa frogatu baino lehen.

e) Diru-laguntzarako ebazpen-proposamena eman baino lehen egiaztatu beharra dute egunean dituztela hala tributu-betebeharrak nola Gizarte Segurantzarekikoak. Iruñeko Udalak ofizios egiaztatuko du berarekiko tributu-betebeharrak egunean dituztela.

f) Kontabilitate-liburuak, erregistro eginbidetuak eta gainerako agiriak edukitzea, behar bezala ikuskaturik pertsona edo entitate onuradunari kasuan-kasuan aplikatzen ahal zaizkion merkataritzako legeek eta lege sektorialek ezarritakoarekin bat, bai eta hitzarmen honek egiaztapen- eta kontrol-eskumenak modu egokian gauzatuko direla bermatzeko galdatzen ahal dituen egoera-orriak eta berariazko erregistroak ere.



g) Gordetzea jasotako funtsak zertan erabili diren egiaztatzen duten agiriak –agiri elektronikoak barne–, egiaztapen eta kontrol jarduketan xedea izan daitezkeen neurrian.

h) Behar bezalako publizitatea egitea, diru-laguntza jaso duten programak, jarduerak, inbertsioak edo edozein motatako jarduketak Iruñeko Udalak finantzatu dituela jakitera emate aldera: BAI EZ

Pertsona edo entitate onuradunak laguntza jaso izanaren berri emateko hartu behar dituen neurriak:

- Iruñeko Udalaren irudi instituzionala jartzea.
- Legendak karteletan, inprimatutako materialetan, bide elektronikoetan, ikus-entzunezkoetan eta abarretan.
- Oroitzapen-plakak.
- Aipamenak hedabideetan.
- Beste batzuk:

i) Jasotako funtsak itzultzea, Diru-laguntzei buruzko Ordenantza Orokorrak, eta hala behar izatera, hitzarmen honek horretarako zein kasu adierazi eta halakoetan.

- Pertsona edo entitate onuradunaren berriazko betebeharrak: BAI EZ

Errege Magoen Kabalkada Elkarteak ordainagiria aurkeztuko du erantzukizun zibileko aseguru sinatu izanarena, gutxienez 300.000 euro joko dituen, diru-laguntza honen xede den jardueraren garapenaren ondorioz pertsona, ondasun higiezin, ibilgailu eta abarretan kalte edo lesiorik gertatuz gero horiek estaltzeko.

3. Diru-laguntzen xede izan daitezkeen jarduerak egiteko epea: 2017ko urtarrilaren 5a

4. Proiektuan aldaketak egiteko aukera: BAI EZ

BAI laukia markatu bada, aurreikusi gabeko inguruabarrak direla medio, aldaketak egiten ahalko dira proiektua gauzatzean, hasierako aurreikuspenei dagokienez, inguruabar horiek kontuan hartzekoak badira jarduera zuzen betetzeko eta aldaketa horiek ez badute eragiten funtsezko aldaketarik proiektuan, diru-laguntzaren xede den jardueraren izaera edo helburuez bezainbatean.

Proiektua gauzatzean aldaketak sartzeko, aldeztatik diru-laguntza kudeatzen duen unitateak aldaketak baimendu beharko ditu, eta horretarako, pertsona edo entitate onuradunak eskaria aurkeztu beharko du, idatziz, proposatutako aldaketa egiteko beharra justifikatuz, aldaketak sartzeko behar berri izan bezain azkar eta, edonola ere, diruz lagundutako jarduera egiteko epea amaitu baino lehen.

Diru-laguntzei buruzko Ordenantza Orokorraren 45.1 artikuluan xedatutakoarekin bat, zilegi izanen da jasotako diru-laguntzak itzularaztea edo, hala badagokio, diru-laguntza kobratzeko eskubidea galtzea, osorik edo hein batean, proiektua garatzen den bitartean pertsona edo entitate onuradunak sartzeko baditu aldeztatik hitzarmen honetan ezarritakoaren arabera baimendu gabeko aldaketak. Proiektuaren barruan hainbat jarduera independente baldin badaude, baldintza horrek soilik eragingo die baimenik gabeko aldaketak izan dituzten jarduerari.



Bestelako betekizun edota baldintzak:

5. Diru-laguntzen xede izan daitezkeen gastuen zehaztapena:

Diru-laguntza jaso dezaketen gastutzat joko dira desfileak eragindakoak eta diru-laguntzaren xede den jarduerarekin bat datozenak: erabilitako ibilgailuen alokairua eta egokitzea; desfilean parte hartzen duten taldeen (banderadunak, moroak eta kristauak, musika-taldeak eta dantzariak, zaldizkoak...) katxet-, mantenu- eta ostatu-gastuak; kabalkadako pertsonaiak karakterizatzeko gastuak –jantzien mantenua, makillajea, jantzi berriak erostea...-; desfilearen hedapena egiteko erabilitako elementuak; erantzukizun zibileko aseguruak, eta kabalkada modu egokian egiteko behar diren beste gastu guztiak, baita antolatzaileei dagozkien gastu orokorren parte proportzionala ere.

Diru-laguntza jaso dezakeen gastu bakoitzaren zenbatekoa, banan-banan hartuta, 18.000 eurotik gorakoa denean –ekipamendu ondasunen horniduraren kasuan edo aholkularitzako zein laguntza teknikoko enpresen zerbitzuen kasuan-, onuradunak gutxienez hiru eskaintza eskatu beharko dizkie hornitzaileei dena delako zerbitzua edo ondasuna emateko konpromisoa bere gain hartu baino lehen, salbu, diru-laguntza jasotzekoak diren gastuen ezaugarri bereziengatik, merkatuan hornidura edo zerbitzu hori egin dezaketen behar adina entitaterik ez bada edo gastua diru-laguntza eskatu baino lehen egin bada.

Aurkeztutako eskaintzen artean bat hautatzeko, eragimen eta ekonomia printzipioei egin behar zaie men, eta eskaintzarik merkeena hautatzen ez bada, memoria batean berariaz justifikatu behar da hartutako erabakia. Eskaintzak, bestalde, justifikazioari erantsiko zaizkio, edo, bestela, diru-laguntzaren eskabideari.

Egindako gastutzat hartuko da hitzarmen honen bosgarren klausulako 2. atalean ezarritako justifikazio-aldia amaitu baino lehen benetan ordaindutako gastua:

BAI EZ

HIRUGARRENA.- DIRU-LAGUNTZA ZEIN AURREKONTU-KREDITURI EGOZTEN ZAION, DIRU-LAGUNTZAREN ZENBATEKOA ETA, HALA BADAGOKIO, PROIEKTUAREN AURREKONTUAZ BEZAINBATEAN FUNTS PROPIOEKIN FINANTZATUTAKO EHUNEKOA.

1. Diru-laguntzaren zenbatekoa: 50.000 euro

2. Aurrekontu-partida: 50/33401/482090

3. Diru-laguntzaren xede diren jardueren finantzazioa: BAI EZ

Baiezkoan, adierazi zenbatekoa edo ehunekoa:

LAUGARRENA.- PERTSONA EDO ENTITATE ONURADUNAK AURKEZTU BEHARREKO DOKUMENTAZIOA.

- Pertsona edo entitate eskatzailearen nortasuna egiaztatzen duten agiriak, eta, halakorik balitz, haren izenean ari den ordezkariaren nortasuna egiaztatzeak: BAI EZ

Dena den, agiri horiek aurkeztuko dira iazkoekin alderatuta aldiaketatik egon bada soilik, eta betiere bost urte pasa ez badira Udalean aurkeztu zirenetik.

- Erantzukizuneko aitortpena, non adieraziko baita pertsona edo entitate onuradunak onuradun izateko deialdi honetan galdatutako baldintzak betetzen dituela eta onuradun izaera hori lortzeko Diru-laguntzei



buruzko Ordenantza Orokorraren 10. artikulua aipatzen dituen debeku-zioetako bakar batek ere ez duela ukitzen: BAI EZ

- Pertsona edo entitate onuradunak zergei eta Gizarte Segurantzari buruzko betebeharrak eguneratuak dituela ziurtatzeko, agiri hauek:

Administrazio eskudunek emandako ziurtagiriak.

Eskatzailearen erantzukizuneko aitorpena, ziurtatzeko aipatu betebeharrak eguneratuak dituela. Kasu horretan, diru-laguntza emateko ebazpen-proposamena egin aurretik, interesdunari eskatu beharko zaio aurkez ditzala, 15 eguneko gehieneko epean, adierazpenean jasotako datuak egiazkoak direla ziurtatzen duten agiriak (administrazio eskudunek emanak).

Udalak ofizios egiaztatuko du interesdunak egunean dituela berarekiko tributu-betebeharrak, eta egiaztapen hori dagokion eginbidean jasoko du.

- Adierazpen bat, bertan adierazita beste administrazio, entitate edo pertsona publiko zein pribaturi helburu bera lortzeko eskatutako edo haiengandik dagoeneko jasotako diru-laguntzen zerrenda eta eskatutako kopurua, bertan zehaztuz entitateen izena eta jasotako zenbatekoa: BAI EZ

- Memoria bat, diru-laguntza zertarako eman eta proiektu, ekintza, jarrera, jarduera edo programa hori deskribatzen duena: BAI EZ

- Bestelako agiriak:

300.000 euroko estaldurako erantzukizun zibileko aseguruia aurkeztu beharko du, eta hori eguneratuta izanaren ordainagiria.

BOSGARRENA.- JUSTIFIKATZEKO ERAK ETA DAGOZKION AGIRIAK AURKEZTEKO EPEA.

1. Justifikatzeko modalitatea: Diru-laguntza ematerakoan ezarritako baldintzak eta lortu beharreko helburuak bete direla justifikatzea jarraian azalduko den era zehatzean egingo da. Justifikatzeko modalitatea zehazten ez bada, gastuen justifikazio-kontua aplikatuko da, gastuen ziurtagiria aurkeztuta.

Justifikazio-kontua:

Justifikazio-kontua, gastuen ziurtagiria aurkeztuta (Diru-laguntzei buruzko Ordenantza Orokorraren 35. artikuluan ezarritako aginduekin bat).

Justifikazio-kontua, kontu-ikuskaritzaren txostena aurkeztuta.

Bestelako edukirik: BAI EZ

Justifikazio-kontu sinplifikatua. Justifikazio-kontu erraztua aurkeztea, 887/2006 Errege Dekretuaren 75. artikuluan ezarritakoarekin bat (38/2003 Diru-laguntzei buruzko Lege Orokorraren erregelamendua). Honako hauek aurkeztu beharko dira:

1. Diru-laguntzaren xede diren jarduerak egin izana egiaztatzen duen jarduketa-memoria.
2. Jarduerak eragindako gastuen eta inbertsioen zerrenda sailkatua, non honako hauek identifikatuko baitira: hartzekoduna, agiria, zenbatekoa eta jaulkitze-data.
3. Jarduera finantzatu duten beste diru-sarrerak edo diru-laguntzak xehe-mehe adierazita, horien zenbatekoa eta jatorria barne.
4. Laginketa-teknikak erabilia, egoki jotako gastuen egiaztagiria eskatuko dira, eta haien bidez



diru-laguntzaren aplikazioa egokia izan den ala ez egiaztatuko da.

5. Iruñeko Udalak emandako diru-laguntzez bezainbatean eginen dituen egiaztapen- eta finantza-kontrol guztiei men egitea.

- Gastuaren egiaztapena, moduluka (Diru-laguntzei buruzko Ordenantza Orokorraren 37. artikuluan ezarritako aginduekin bat):

Zehaztu beharrekoak:

Modulua osatuko duten unitateak:

Moduluaren unitate-kostua:

Gainerako inguruabarrak:

- Kontabilitate-orrien aurkezpena (Diru-laguntzei buruzko Ordenantza Orokorraren 38. artikuluan ezarritako aginduekin bat).

Pertsona edo entitate onuradunak ziurtagiri bat aurkeztu beharko du egiaztatzeko aurkeztutako kontabilitate-orriak ofizialak direla, eta entitateko organo eskudunak behar bezala onetsi dituela.

- Beste sistemaren bat:

2. Justifikazioa aurkezteko epemuga: klausula honetako 1. ataleko justifikazio-agiriak 2017ko ekainaren 30a baino lehen aurkeztu beharko dira.

SEIGARRENA.- HITZARMENAREN INDARRALDIA.

Hitzarmen honek indarra izanen du sinatzen den egunetik eta diruz lagundutako proiektua erabat justifikatu arte, hitzarmen honetan eta aplikagarri diren gainerako arauetan xedatutakoarekin bat. Hala ere, aipatu behar da finantzaketak barne hartzen duela 2017ko urtarrilaren 5ean egindako jarduera.

ZAZPIGARRENA.- DIRU-LAGUNTZEN BATERAGARRITASUNA ETA BATERAEZINTASUNA.

Udalaren diru-laguntza jasotzea BATERAGARRIA BATERAEZINA da helburu bererako beste diru-laguntza, laguntza, diru-sarrera edo baliabide batzuk jasotzearekin, kontuan hartu gabe zer administrazio, entitate edo pertsonak eman dituen laguntza horiek.

Diru-laguntzaren zenbatekoa ez da inola ere izango, berez edo beste diru-laguntza, laguntza, diru-sarrera edo baliabideak gehituta, diru-laguntza horien xedea den jardueraren kostua baino handiagoa. Halakorik gertatuko balitz, bidezkoa izango da kostuaren gainetik lortutako soberakina itzularaztea, bai eta dagozkion berandutze-interesak eskatzea ere.

Diru-laguntzaren xede diren jarduerak finantzatzeko beste diru-laguntza, laguntza, diru-sarrera edo baliabiderik eskatu edo lortuz gero, pertsona edo entitate onuradunak horren berri eman beharko dio organo emaileari. Bestelako laguntza horiek lortu direla jakin bezain laster egin behar da jakinarazpen hori, eta betiere, hartutako funtsei emandako aplikazioa frogatu baino lehen.

Diru-laguntza emateko aintzat hartu diren baldintzak aldatzen badira, eta, edozein kasutan, hitzarmen honetan baimendutako kasuetatik at beste diru-iturri batzuk eskuratzen badira, diru-laguntza emateko ebazpena aldatzen ahalko da.



ZORTZIGARRENA. AZPIKONTRATAZIOA.

Azpikontratatzeko aukera: BAI EZ

Baiezkoan, adierazi ehunekoa eta baldintzak:

Diru-laguntzei buruzko Ordenantza Orokorraren 30. artikuluan ezarritako muga eta betekizunekin bat.

Pertsona edo entitate onuradunak inola ere ezin izanen du hitzarmenik egin Diru-laguntzei buruzko Ordenantza Orokorraren 30.7 artikuluan zehazten diren pertsona eta entitateekin, diru-laguntzaren xede diren jarduerak osorik edo zati batean egiteko.

BEDERATZIGARRENA. ORDAINKETA.

1. Nola ordaindu:

Diruz lagundutako ekintzak, proiektuak, jarrerak edo jarduerak justifikatu ondorengo ordainketa.

Konturako ordainketa:

Ordainketa zatikatua:

Ordainketa aurreratua: Iruñeko Udalak hitzartutako kopuruaren % 100 ordainduko dio entitate onuradunari ordainketa aurreratu gisa, hilabeteko gehieneko epean hitzarmena sinatu zenetik.

Ordainketa mistoa, ordainketa zatikatuaren eta alde zurrekoaren artekoa:

Ofizioz kitatzen ahal izanen dira pertsona edo entitate onuradunengandik kobratzeke dauden zorrak, diru-laguntza hori, osorik edo parte batean, zor dituzten kopuruarekin konpentsatuta.

BAI EZ

2. Bermeen eraketa: BAI EZ

Baiezkoa bada, eratzeko modua eta zenbatekoa:

**HAMARGARRENA.- SEGIMENDU-MEKANISMOAK, HITZARMENA BETETZEN DENETZ
EGIAZTATZE ALDERA:** BAI EZ

- Jarraipen-batzordea eratu da: BAI EZ

Baiezkoan, adierazi kideak:

- Beste mekanismo batzuk:

Jarraipena, Kultura Alorreko teknikari baten aldetik.



HAMAIKAGARRENA.- DIRUA ITZULARAZTEA.

Zilegi izanen da hala jasotako diru-laguntzak itzularaztea, osorik edo hein batean, nola berandutze-interesak galdatzea –diru-laguntzak kobratu eta hortik aitzina, dirua itzultzea bidezkoa dela erabakitako egunera arte–, Diru-laguntzei buruzko Ordenantza Orokorrean, Diru-laguntzei buruzko Lege Orokorrean edo, halakorik balitz, hitzarmen honetan berariaz aurreikusi diren itzularazteko arrazoietako batek ukitzen badu onuraduna.

Dirua itzularazteko berariazko arrazoiak:

BAI EZ

HAMABIGARRENA.- KONTUAN HARTU BEHARREKO BESTE BATZUK.

Ez dago aukerarik hitzarmen honetan.

HAMAHIRUGARRENA.-HITZARMENAREN ADMINISTRAZIO-IZAERA ETA ARAUBIDE JURIDIKOA.

Hitzarmen hau honakoek arautuko dute: Iruñeko Udalaren Diru-laguntzei buruzko Ordenantza Orokorrean jasotako aginduak, azaroaren 17ko Diru-laguntzei buruzko 38/2003 Legea eta aplikagarriak diren administrazio-zuzenbideko gainerako arauak.

Hitzarmen honek administrazio-izaera dauka, eta jarraipen-batzordeak hitzarmenaren interpretazio, aplikazio eta ondorioen inguruan konpontzen ez dituen auziak Administrazioarekiko auzien jurisdikzio-ordenari zuzenduko zaizkio.

Eta gorago jasotako guztiarekin adostasuna erakusteko, agiri hau sinatzen dute, goian adierazitako lekuan eta datan.